

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

**Monacellus, Franciscus
Venetiis, 1706**

Resoluti ones Sacr. Congregationis Concilii Tridentini nonnullorum Dubiorum in supradicta Constitutione.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Posita Constitutione fel. rec. Gregorii XV. de Exemptorum
Privilegiis &c. Dubitatur

1. **A** Nliceat Episcopis visitare Altaria Regularium Ecclesiarum, quibus Cura Animarum personarum sacerdotalium non incumbit, aut loca ubi in iisdem Ecclesiis asservatur Sanctissimum Eucharistiae Sacramentum, vel ubi audiuntur Confessiones personarum sacerdotalium?
2. An Episcopi possint Regularibus prescribere, ut certis tantum in locis, ac temporibus, aut certarum personarum Confessiones audiant, vel alias illorum privilegia restringere, ac moderari in Sacramentis administrandis?
3. An facultas Episcopis per Constitutionem attributa in exemptos, tam Sacerdtales, quam Regulares, intelligatur etiam tributa in personas nullius Dioecesis.
4. An eadem facultas competit inferioribus Praelatis proprium territorium, ac jurisdictionem quasi Episcopalem habentibus.
5. An per eam Constitutionem in illis verbis, *Possit Episcopus una cum Superioribus Regularibus quarumcumque Abbatissarum &c. electionibus per se, vel per alium interesse, ac presidere; jus Abbatissas confirmandi Episcopis attributum censeatur.*
6. An Confessores Monialium ante editam Constitutionem deputati, debeant ab Episcopo examinari, & approbari.
7. An Superiores Regulares similiter ante ipsius Constitutionis publicationem electi, seu deputati, alia indigent Episcopi approbatione pro Confessionibus Sanctorum Monialium sibi subjectarum audiendis?
8. An Confessiones, quas audiunt Superiores Regulares electi, seu deputati, vel confirmati post publicationem, & scientiam tenoris d. Bullae, non obtenta Episcopi approbatione, sint nullae, atque irritae, necne:
9. An Regulares generaliter ab Episcopo approbati ad confessiones personarum sacerdotalium audiendas, censemantur etiam approbati ad audiendas confessiones Monialium sibi subjectarum.
10. An Regularis ad audiendas Confessiones Monialium unius Monasterii ab Episcopo approbatus, Confessiones Monialium alterius Monasterii audire possit.
11. An confessores Regulares extraordinarii semel ab Episcopo deputati, & probati ad audiendas Monialium confessiones pro una vice infra annum ad prescriptum Sacri Concilii Tridentini possint virtute dictae approbationis pluries tamquam confessores extraordinarii, earumdem confessiones audire absque novi Episcopi licentia.
12. Cum in eadem Constitutione statutum sit, ut liceat Episcopo ex rationabili causa Superiores Regulares admonere, ut amoveant Confessores Monialium, atque Administratores bonorum ad earumdem Monialium Monasteria pertinentium: inique Superioribus id facere detrectantibus, habeat Episcopus facultatem predictos Confessores, & Administratores amovendi quoties, & quando opus esse judicaverit: An ejusmodi causam Episcopus Superioribus Regularibus significare teneatur.
13. An eadem Constitutio qua parte supponit Episcopi jurisdictioni Regulares delinquentes circa personas degentes intra septa Monasteriorum Monialium, aut

aut circa Clausuram, vel bonorum administrationem eorumdem Monasteriorum, habeat locum in omnibus delictis, an verò solum in notoriis, & cum scandalo populi?

Sacra Congregatio Cardinalium Conc. Trid. Interpretum censuit Constit. san. mem. Greg. XV. de exemptorum privilegiis, nequaquam subjecere Regulares exemptos quibus Cura animarum personarum sacerdotalium non incumbit, Episcoporum jurisdictioni in his, quae Sacramentorum administrationem concer- nunt, nisi cum in Sacrementis personis Sacerdotalibus administrandis idem Re- gulares delinquunt: ac propterea.

Ad 1. Dubium respondit, Episcopis non licere in vim ejusdem Constitutionis visitare Altaria Ecclesiarum Regularium, quibus non incumbit animarum cura personarum Sacerdotalium, nec loca, ubi in iisdem Ecclesiis asservatur SS. Eucha- ristiae Sacramentum, vel ubi Confessiones personarum Sacerdotalium audiuntur.

Ad 2. Hac in parte Constitutionem nihil novi juris induxit, nec ullam novam au- toritatem Episcopis in Regularibus attribuisse: ideoq; in vim ipsius Constitutionis non posse Episcopos Regularibus prescribere, ut certis tantum in locis, ac temporibus, aut certarum personarum confessiones audiant, vel alias illorum privilegia in Sacrementis administrandis restringere, aut moderari. Quod si aliundè Episcopis hujusmodi facultas competit, illam non fuisse ab eadem Constitutione sublatam.

Ad 3. Censuit ejusmodi facultatem non intelligi tributam Episcopis in personas nullius Diocesis.

Ad 4. Non competere.

Ad 5. Jus confirmandis Abbatissas minimè fuisse Episcopis per Constitutionem attributum.

Ad 6. Confessores quidem extraordinarios Monialium nullatenus posse post Constitutionem illarum Confessiones audire, nisi prius ab Episcopo Diocesano idonei judicentur, & approbentur. Ordinarios verò confessores ante Constitutionis publicationem deputatos posse, durante triennio ab eorum deputatione inchoando, pergere in confessionibus Sanctimonialium audiendis absque alio examine, & approbatione Episcopi. Quod si contingat, ut illorum fa- cultas à Sede Apostolica ultra triennium proferetur, tunc debere eos ab Episcopo examinari, & approbari.

Ad 7. Superiores Regulares electos, seu deputatos ante ipsius Constitutionis publi- cationem, quibus aliquoquin facultas competit audiendi confessiones Monialium sibi subjectarum, posse, durante eorum officio, pergere sine alia Episcopi appro- batione in confessionibus audiendis illarum tantum, quæ sponte, ac proprio mo- tu id ab eis petierint. At verò eos, qui post Constitutionem eligentur, aut quoquo modo deputabuntur, vel qui in eorum officiis, seu dignitatibus expleto jam tem- pore à Constitutionibus cuiusque Ordinis, vel alias legitimè præfinito, ad aliud tempus confirmabuntur, nequaquam posse Sanctimonialium confessiones au- dire, nisi prius à Diocesano Episcopo idonei judicati, & approbati fuerint.

Ad 8. Confessiones hujusmodi nullas, atque irritas esse.

Ad 9. Regulares generaliter ab Episcopo approbatos ad confessiones personarum Sacerdotalium audiendas, nequaquam censi approbatos ad audiendas confessiones Monialium sibi subjectarisi, sed egere quoad hoc speciali Episcopi approbatione.

Ad

Ad 10. Regularem ad audiendas Confessiones Monialium unitis Monasterii ab Episcopo approbatum, minimè posse audire Confessiones Monialium alterius Monasterii.

Ad 11. Confessores extraordinarios semel deputatos a tque approbatos ab Episcopo ad Monialium Confessiones pro una vice audiendas, haud posse pluries in vim approbationis ejusmodi illarum Confessiones audire: sed ab Episcopo toutes esse approbando, quoties casus deputationis contigerit.

Ad 12. Non teneri ejusmodi causam significare Superioribus Regularibus; sed hoc relinqu arbitrio, & prudentiae Episcoporum, quorum conscientiam Sac. Congregatio serio oneravit, ne facultate sibi hac in parte attributa quomodo abutantur, ejus rei in distrito Dei judicio rationem reddituri.

Ad 13. Constitutionem habere locum in omnibus delictis, non autem in notoriis tantum, & cum populi scandalo.

Quæ Sacrae Congregationis responsa ad se relata fel. rec. Gregorius XV. & S.D. N. Urbanus VIII. in omnibus approbarunt. Bullar. tom. 4 pag. 101. & 102.

A Card. Caetanus.

Prosper Fagnanus Sac. Congreg. Secret.

Subsequuntur alia duo Dubia ab eadem Sac. Congregatione declarata,
& à Sanctissimo D. N. approbata.

AN Regularis absque legitima licentia accedens ad Monasterium Monialium Regularibus subiectarum, ibique in loco colloquiis destinato cum Moniali colloquens, à Dicæsano Episcopo, tamquam Sedis Apostolicæ Delegato, coerceri, & puniri possit.

Sac. Congreg. Cardinalium Conc. Trid. interpretum censuit, posse. Quam Congregationis sententiam SS. D. N. Urbanus VIII. ad se relatam approbavit.

An licet Episcopo in vim Constitutionis sa. mem. Greg. XV. de exemptor. privilegiis, punire Regulares, qui ad Abbatissæ electionem procedunt ante tempus ipsi Episcopo significatum, aut die electionis eidem nullatenus prænunciata?

Sac. Congregatio &c. respondit, Regulares ex eadem Constitutione ita demum teneri Episcopo significare diem electionis Abbatissæ, & eum usque ad prænitum tempus expectare, si antea ipse expressè declaraverit, se uti velle facultate sibi hac in parte attributa, Abbatissarumque electionibus per se, vel per alium interesse, ac præsidere. Post eam verò declarationem licere Episcopo animadvertere in Regulares, qui ante tempus significatum, aut die electionis eidem non prænunciata, ad Abbatissæ electionem procedunt. Bullar. d. tom. 4 pag. 102.

C. Card. de Torres.

Prosper Fagnanus Secretarius

ADNO-

ADNOTATIONES.

PRÆTER casus supra à Sacr. Congreg. declaratos, & alios quos retuli Adnot. ad Tit. de Licentiis Formul. XX. poterit Episcopus contra Regulares exemptos procedere, si non retineant lampadem collucentem ante Altare Sanctissimi Sacramenti, quia cum sit defectus magnæ irreverentiae, curæ erit illi, auctoritate sibi delegata à Sacr. Conc. Trid. in Decreto de evitand. in celebrat. Miss. sess. 22. ut ab eis omnino retineatur.

2. Neque talis defectus suppleretur, si forte lampas ardens diu, nocteque existaret in Choro è conspectu Altaris Majotris; quia retinenda est prope, & ante Altare Tabernaculi in quo servatur Eucharistia, prout Sacra Rituum Congregatio respondit Generali Capuccinorum de hoc scilicetanti 22. Augusti 1699.

3. Item Regulares exempti cogi possunt ab Episcopo ad exequendam Testatoris voluntatem, si illis commissa fuerit execu-
tio sive distributio reddituum, aliorumve bonorum Hæreditatis, vigore Clementi-
ne Religiosis de testamentis editæ in Con-
cilio generali Viennensi, quæ clara est,
& tradit Fagnan. in cap. tua Nobis de Te-
stam. n. 19. & 49. Passerin. de stat. hom. tom. 2.
qu. 186. art. 2. n. 121. Capon. discept. 84. n. 7.
ubi ait conclusionem veram esse etiam si

Testator rationem exigi prohibuisset,
Tambur. de jur. Abbat. tom. 1. disp. 15. quest.
7. n. 23. Ventrigl. in prax. par. 1. annot. 48. §.
unico n. 116.

4. Vel verba Testamenti sonarent in potestatem facultativam, puta si Testator onus injungeret Executori Religioso per verba, posset, & valeat: nam in ultimis voluntatibus verba hæc important obligationem, & necessitatem, ut dixit Rot. in Romana quartæ 4. Junii 1668. §. si quidem coram Bourlemont.

Et idem dicas de verbo precario rogo, placeat, &c. quia hæc pariter habent vim iussionis, & præcepti, ad instar fidei-commissi, Rot. dec. 78. nu. 4. post Tondut. de pension.

Ad Decretum circa promovendos ad Primam Tonsuram, vel ad Minores Ordines in Regno Neapolitano.

SUMMARIUM.

1. Episcopi Regni Neapolitani in litteris Dimissoriis Episcopum certum tenen-
tur designare, alias pœnas Decreti incurront, & n. 2.

3. Possunt tamen exterros ordinare cum Dimissoriis suorum Ordinariorum,
licet non sint directæ ad certum
Episcopum.

SAcra Congregatio Cardinalium negotiis Jurisdictionibus Regni Neapolitaní præposita, justis, gravibusque addueta causis de S. D. N. Gregorii XV. speciali ordine vivæ vocis oraculo desuper habito expressè præcipit, & mandat omnibus, & singulis ejusdem Regni Archiepiscopis, & Episcopis, & aliis inferioribus legitimam facultatem habentibus, ut tanquam ad primam Tonsuram, sive ad Minores Ordines aliquem promoveant: Parochio, seu alteri, cui magis expedire videbitur, committant, ut nominibus, & desiderio eorum, qui volunt promoveri, publicè in Ecclesia propositis, de ipsorum Ordinando-
rum natalibus, ætate, moribus, & vita à fide dignis diligenter inquirant, & literas testimoniales, ipsam inquisitionem factam continent, ad ipsum com-
mittentem quamprimum transmittant, ut tam ex his, quam ex aliis ex Sac. Conc. Trid. præscriptio in cap. 8. sess. 23. de Refor. adhibendis diligentias sibi constet promovendos illis qualitatibus esse præditos, quæ per Sacr. Canones, idemque Concilium requiruntur. Quod & observent in literis dimissoriis concedendis, in quibus exprimatur præfatas diligentias præcessisse. Dictæ au-
tem

Monacelli Form. Pars I.